

իշխանք եւ տանուտեարք. եւ ' իՄիս' Աջպան Ս. Լուսաւորչի Աջոյն մեռաւ (Հեթում Սպիտակ երեցն Խագոնց). զոր ' ինոյն ժամանակի Նաղաշ եպիսկոպոսն (Սկրտիչ) ասաց զՈղբն ' իվերայ Տղայոց, որ է սկիզբն՝ Արարիչն արարածոց. եւ այլ Ողբ ' իվերայ Իշխանաց, որ սկիզբն է՝ Երազ է եւ սուտ, եղբարք, եւ այլն»։- Աւերողն Ստյ (Շահ-Սուար) երկրորդ անգամ յաղթող գտեալ Եգիպտացոց՝ եւ գերեալ զսահմանս Դամասկոսի, ասի բերեալ 1000 տուն յայլագգեաց եւ բնակեցուցեալ 'ի Սիս: Իսկ ինքն ապստամբն յետ ամաց ինչ (1473) հալածեալ յԵգիպտացոց եւ պաշարեալ ' իԾամանդի բերդի, անձնատուր եղեւ, եւ վարեալ ' Թահիրէ՝ սպանաւ:

228. Բ. Սատուրճի օղլի, եւ այլն.- Ժամանակագիրն հաւաստէ զ'ուստին եւ զժամանակ զալստեանն. «Ի ՌԻԹ թուին մերոյ, յաւուրս Առաջաւորաց Սրբոյն Սարգսի Զօրավարին, որ օր էր շաբաթ (7 փերր. 1601), **Եկնտումի**՝ անուն բազում զօրօք Անթայ ( **յԱնթապ** քաղաքէ), 'ի վերայ Սարիոյ. եւ սպան զպարոն տեղոյն հանդերձ մեծամեծօքն. եւ եկն 'ի Սիս, եւ այլն:.... Եւ թեպէտ շնորհքն Աստուծոյ ազատեաց անփորձ զդաս հաւատացելոցն 'ի չար բռնաւորէն՝ կանամբք եւ անմեղ գառամբքն, բայց յընչից եւ ապրանաց եւ եկեղեցական զարդուց՝ շատ պակասութիւն եղեւ քաղաքիս, որք կողոպտեցին չար եւ անօրէն մարդակերպ զազանքն, նաեւ 'ի զանձուց Ս. Լուսաւորչին՝ անօթս եւ զարդս գեղեցկագոյնս. եւ բազում զարդս եկեղեցեաց գտեալ 'ի պահարանս թագստեան՝ կողոպտեալ տարան ընդ իւրեանց՝ չարքն այնոքիկ». բայց սուրբ Աջքն զերծանին ձեռամբ Մինասայ եւ որդւոյ նորա տէր Ղազարու:

231. Դրագարկ.- Անունն՝ գտաւ եւ յայլում գրուածի (Հեթմոյ Պատմչի) գրեալ Թ տառիւ՝ Թրագարկ:

232. Հանգստարանն.- Ժամանակագիր մեր յիշեցուցանէ յաւելուլ 'ի ծանօթ արքայազունս թաղեալս աստանօր՝ եւ զԶապել Բ դշխոյ, կին Օշնի արքայի եւ քոյր Օշնի Պայլի. որ՝ յառաջն ոչ գիտեմ ո՛ր էր թաղեալ, եւ յետ իբր 28 ամաց, որդի նորա Լեւոն Դ՝ ետ փոխադրել, «Եւ տարան 'ի Դրագարկն. զի նա էր տեղ եւ դիր հանգստեան թագաւորացն Հայոց եւ հայրա-